



Augusti Buchneri Orationes Panegyricæ

Buchner, August

Cliviæ, [1668]

IX. In Excessum per Illustris Herois, Henrici Senioris, Lib. Baronis à Frisen.
&c. &c.

[urn:nbn:de:hbz:466:1-69483](#)



ORATIO NONA.

IN EXCESSVM
PERILLVSTRIS HEROIS,
HENRICI SENIORIS,
LIB. BARONIS à FRISEN, &c. &c.
SERENISS. ELECTORIS SAXON.
IN SANCTIORE SENATU CONSILIARII,
CANCELLORUMQVE , NEC NON IN
APPELLATIONUM CURIA
PRÆSIDIS.

DICTA A. clo. I^oc. LX.

RECTOR MAGNIFICE:
Electoratus Saxonici Hereditarie Ma-
reschalle, idemque Serenissimi Princi-
pis nostri Consiliarie ac Cubicularie,
nec non Provincialis Curiæ , quæhīc
est, Splendidissime PRÆSES, &c.

*Patres Academici Reverendi plurimum ac
Excellentissimi; cateriq; reliquorum ordinum Am-
plissimi, Clarissimi, Prudentissimi Auditores: utq;
nobilissimorum lectissimorumq; Invenum florentis-
sima concio:*

Qui

Qui nāvigatorē mārē , ventisque ac fluctibus
res capitaq̄e sua crediderunt , ut astūm
ac tempētatum incerta non nesciant , non
metuunt tamen ; & magnam sumunt fidu-
ciam , cum tales Rectores sibi adesse viderint , qui
gnari locorum , qui cœli ventorumque mores intelli-
gant , & ex quibusdā signis colligant ominenturque ,
quid instet , peritē : ut , quæ secundum ac facilem
cursum promiserint , in tempore occupent ; & , quæ
minentur ambigua tristia vāe , declinent maturē ac ca-
veant . At cum eosdem aut casus aliquis , aut fatum
suum abstulit , neque apparent statim , quorum peri-
tiā ac artem opponant fortuitis , quorum maximē
omnium cāpax est mārē ; tum plerosque vectorum
omnes concidere animis vides , ac tantō quemque
magis esse sollicitum , quo vitæ fortunisque suis timeat
magis . Non comparatum aliter cum publico est .
Cum assunt amici & adjutores Principibus , qui sapi-
entiā valeant , & diuturnā maximarum rerum tra&tā-
tione subacti ac callidi aduersus quoslibet casus repe-
rire præsidia in promtu habeant , nemo non lāta
omnia secundaq̄e augurari consuevit : at cum eos-
dem contigit eti p̄ , quæ trepidatio , quæ sollicitudo
ubique incedit ? Qui metus incumbit omnibus , queis
cura aliqua patriæ est ? Quām tutā tranquillaq̄e
etiam timeri incipiunt ? Nobis itaque , REC-
TÖR MAGNIFICE , nobis inquam , PATRES
AMPLISSIMI , quid fiet , in quos non dispar
casus expetiit , cūm altero mense ante , Perquam
illustris Baro , HENRICUS FRISIUS Se-
nior , Serenissimi Principis Consiliarius intimus ,
& sumimus Justitiæ ac Cancellorum Præses , ter-

ris excederet? Grandi quantumlibet natu & plenus
ævi digressus sit vitâ: nihilominus tamen non potest
nobis non tristis atque acerba exptio ejus accidere,
qui ea in uno illo amissimus, quibus non sine solicitudi-
ne singulari & metu anticipiti carere patria potest.
Non desit aliis, qui clavum arripiat, quem ille hactenus
tenuit; at optimo tamen succedere arduum; multo-
que facilius est, secundum dare, quam alterum. Quæ
dores in eo ingenii pariter ac animi eminebant rarissi-
mæ? Quæ incredibilis virtus ibidem atque in omni
ejus vitæ actu exsplendescebat? Quæ capere saltem
cum detur paucis, quo difficilius erit sic æmulari, ut
impleas? Eeadem ego dum reputo mecum miratus
lugensque pariter, atque de iis aliquid paro dicere, vix
jam ingressus, atque in primo limme statim sentio, quid
in me oneris suscepferim. Nam dum respicio, quid
universa Academia, quid ipse peculiariter inclito FRI-
SIORUM nomini debeam; & transeundem virum
tantum silentio, magnum atque insigne videtur nefas;
pietatem quidem meam quid deceat, attendo; quid
possim & valeam infelix, parum considero. Veniam
tamen merebitur, spero, hic inconsideratus impetus
meus, non improbus; cum vix ejusmodi vis movere
ac rapere animum soleat, quin simul ex temerario ali-
quid trahat. Interim tamen non nihil me præstissem
existimabo, si in HENRICO FRISIO, cui hoc pa-
rentale instituimus sacrum, MAGNI, & SENATO-
RIS & CANCELLARII, ut olim expressum, sic
nunc rectum posteris, pro modo ingenii ostenderim
EXEMPLUM. Qui nobilem aliquam statuam in-
format Artifex, ut simulacrum unius exprimat; ex
pluribus membris tamen illud componit. Mihi
quo,

quoque exemplum Senatoris & Cancellarii magni in
FRISIO nostro descripturo , unam effingere licet
dignitatem videar, multarum rerum tituli tamen con-
gerendi eò & compingendi aptè erant, ut consumma-
rem , quem exhibere intenderem. Sed in immensum
ne se extendat oratio , ad quædam præcipua capita
totam hanc summam revocabo, dicturus eum, quem
molior, & GENERE NOBILEM , & EXCEL-
LENTEM VIRTUTE , & MAGNUM PERI-
TIA , & AVCTORITATE VALIDVM esse
debere. Pythagoras, primus Philosophiæ dedica-
tor , conflatum ex quatuor singulis numerum , divi-
nissimum cæterorum , & summis omnibus debitum
ac consecratum asseverabat. Fallor ego , aut quatuor
ista, quæ dixi, magni SENATORIS & CANCEL-
LARII non indecorè repræsentabunt personam.
Sæpius fuit tractatum , an ad majora illa ministeria
in aulis , tam necessaria sit nobilitas , & excellētia
generis, ut nisi quis eam ad partes afferat, & multūm
carum splendori obducat caliginis, & minus efficiat.
Quamvis autem strenuoris industriæ nervi, animique
capacitas & magnitudo illustres natales comitetur
haud semper ; & aliquando in novis hominibus etiam
accidat, ut dotes hujusmodi uberrimè luceant, iisque
duabus his quasi subiecti alis enitantur in summa;
ad splendidissima tamen munera, non temerè
alios , quam splendidissimum quemque admoveri
convenier. Magna Nobilitatis vis est ; eaque,
ubi accessit virtutum splendor , ut facile quosvis ob-
umbrat alios , ita iisdem etiam plus pollet. Quis
aurea gemmeaque vasa fictilibus creisque non pre-
ferat ? Nam ultraque licet inserviant usibus , in
illis

illis tamen plus auctoritatis ac pretii est. Merito igitur in Senatore & Cancellario magno primum erit, sublimitas generis; ut tanto conspectior ejus dignitas sit, quo ipse splendore natalium uberius fuerit illustratus. Cæterum nobilitatem HENRICI si ab origine ultimâ velim repetere, in longè remota secula mihi, & illa adeò tempora eundem esset, cùm in Helvetiis Rauracisque primùm Equestris dignitate floruerunt FRI-SI, & inde postea cum multis aliis illustribus familiis, declinaturi Patriæ turbas, in Mysos nostros Variscosque demigrarunt. Ibi igitur cum novam invenissent Patriam, ut se non indecoros cives, nec degenerare à Majorum suorum virtute gloriaque ostenderent, Deus bone, quibus illustribus facinoribus gentem nomenque suum extulerunt? Inprimis verò magni eorum æstimata opera fuit, cum FRIDERICUS Marchio Misniæ, fortissimus atque acerrimus (quibus virtutibus cognomen etiam meruit) Princeps, diuturnis atque gravissimis bellis, partim iniquitate Patris impi, partim invidiâ eorum & avaritiâ, quorum hiantes cupiditates avitis ejus & fratriis bonis imminebant, implicaretur. Itaque quadringentis annis abhinc in his provinciis FRISIORUM stetit nobilitas, & incorrupta dignitate delata ad CAROLUM est, HENRICI Patrem, qui in aulâ illustrissimi Ducis Saxonie Altenburgensi summum adeptus virtute locum, Magistri domus, sea Mareschalli, & intimi Consiliarii munere summâ cum laude defunctus est. Magnum est accepitum à majoribus decus industriâ artibusque tueri clarissimis: augere idem, tollereque in majus, & novum atque illustrius lumen, quam in priorum titulis fulsit, accendere posteris, quanto
præ-

præstantius ac excellentius est? Id enim documento fuerit, eximum aliquid ac singulare in eo, qui potuit (potuit autem HENRICUS) emicuisse. Sed BARONATVS infulas ut nunquam ambiit; sic ab AUGUSTO delatas sponte, nec deprecatus abjecte est, & verecundé accepit: procul ambitione pariter, & indecora humilitate. Qvamq; superbiæ etiam viseretur, non parere donantis auctoritati, & fastidire velut, qvod ipse Principum Princeps offerret. Nunquam tamen pro magnitudine animi jactavit honorem per insolentiam, aut ostentavit gloriosè. Ratus, summum ac maximum cuique decus intra animum ejus consistere, & eo imprimis quem æstimandum. Neq; enim satis est videri magnum: præstare oportet, qvod quis per animum maximè potest. Ab eo enim omnis vis illa ac impetus est, qui nos in eas res urget ac incitat, in quibus vera magnitudo ac excellentia sita. Parcius de nobilitate HENRICI videbor dixisse, qui patriam tantum perstrinxi, maternam filens. Nam si utramq; pertexere ordine, & ire per stirpes singulas, ac recensere eorum decora velim, pluribus mihi & spatiostissimis clepsydris opus foret. Non solâ nobilitate cendum se præbuit Heros noster: nec ea magnum ministerium Principis una absolvit: inchoat tantum, & speciem quandam ac superficiem ejus adorat: cui spiritum ac vim, & efficaciam suam, ac corpus quasi, virtus tribuit, de qua nunc dicendum. Nam qui natalib; tantum nititur, & cui in solâ origine omnis posita laus, aureæ massæ videbitur similis: quæ nisi accedat artifex, & extrahet peritè, manuq; ingeniosa in formas ususq; varios figuret ac fingat affabre, præter splendorem qvid

imputabit? Virtus est per quam vivit vigetque nobilitas; quae maximè confert, quod pro auctores magnos atque illustres reddidit. Hæc efficit omnia, hæc patrat omnia, quæ admirationem ac laudem pariunt; hujus unius operibus prosperitas omnis & salus atque securitas publica procuratur. Sed numerosa cum sit, & nulla non ejus species ornare mirificè decereque Senatorem & Cancellarium magnum possit; isque, quo abundantarit pluribus, hoc consummatio illustriorque futurus sit; id primum ac summum tamen in eo crediderim, ut virum pium ac probum exhibeat. Imbecillior est natura humana, quam ut egregii aliquid atque frugiferum, qua privatim, quam publicè, conari saltet, nedum efficere valeat abesse, ni intervenierit DEUS, ac vires opesque aspiret haud tantum, sed & consilia suggerat, & vias velut aperiat, quam sit eundum. Nam neque verum nec justum patebit ulli, cuius non mentem ante irradiaret Numen propitium, & luce suâ colustrarit. An unquam autem spernens ac negligens DEI, contemtor ac concultur religionis, hæc sibi ausit promittere? Quantò igitur magni, & Senatoris, & Cancellarii munus arduum magis atque difficile est; hoc minus carere divino auxilio, hoc minus & pietate, quæ illud impetrat, posse existimandum. Sed quanta ea in nostro Heroe, & quam eximia fuerit, si dicere parem, vereor valde, ne quicquid dixero, fuerit minus. Nec nunc de publicâ memorabo, quæ traxit advertitque omnium oculos; privatim enim & solus secum ita pietatem habuit, ut foris cum magnum ministerum Principis ageret, intra secretum domestici laris sacerdotum haud paucos transcenderet, religiosissimos autem illorum æquaret. Nam prima illi, & antiquissima cura

cura perpetuò fuit, castè & sanctè colere DEUM, puras ac innocentes ei allegare preces: versare statis horis oraculorum cœlestium Codicem, & meditari legem divinam, certissimum consiliorum gubernaculum. In his & auspicabatur diem & finiebat: his dare solebat qvicqvid vacui temporis publica privataqve negotia relinquerent: diversimus illis, qui parum digna hæc Palatina purpura censem, & sacrificulis potius, ac otiosæ plebi deleganda putant. Proxima ei probitatis sive justitiaz cura fuit: Cujus antistitium summum aut arbitrum se se cum recordaretur lubinde, perire sihi muneric titulum, & verè existimabat, ni justum & æquum præberet se omnibus; idqve curaret perpetuò in tribunalibus juxta & in consilio Principis, ut suis sententiis veritas sanctitasqve constaret. Tacet justitia, nisi loqvatur per Cancellarium seu judicem; latetqve aut periclitatur in aulis veritas, nisi Senator producat & asserat. In utroqve igitur satisfecit muneri suo HENRICUS: & sic exemplum reliquit post se, qvid seqvi atqve contendere in primis debeant, qui aspirare ad dignitatem eandem, & hanc implere magnificè velint. Justitiaz referendum & istoc est, quod æquè reverens Principum, ac studiosus patriaz semper fuit. Utrumqve enim utriqve debetur: & suum cuique tribuere, plenissima justitiaz ratio est. Non separari Princeps atqve Respublica possunt, Connexa æctissimè commoda utriusqve sunt: nec sentit non ille, qvicqvid in istam redundat mali; & qvicqvid Principem urget, hoc patriam gravat. Qvorum cavere alterum, alterum procurare omnibus modis, ut boni ministri Principis est, sic nunquam non pensi in primis habere studuit noster. Est in virtutibus istis,
qvas

qvas commemoravi hæc tenus, serium aliquid ac grave:
qvod mores HENRICI ne verendos ac suspiciendos
tantum faceret, temperamento opus erat, quod amce-
num aliquid ac svave iis misceret. Severitas itaque a-
derat, sed sine rigore: aderat gravitas, sed nullâ austre-
ritate corrupta: & in utraqve multum & comitatis
& humanitatis elucescebat, non modò cum dignita-
tis posuisset personam; sed & cum sustineret maximè,
ne ademtâ fiduciâ ac spe, horrorem metumqve adi-
turis incuteret. Patere itaque omnibus, audire pati-
enter qvoslibet, affari etiam cum opus, & bonam
deferentibus desideria sua addere spem promtè li-
benterque solebat, multâ benignitatis laude, nulla
imminutæ gravitatis culpâ. Atque in magno Sena-
tore ac Cancellario qvos implet numeros, si, qvam
verendus, tam amabilis idem exstiterit? Non omnia
peragit gravitas: qvædam prudenti facilitate citius
impetres. Qware utroqve hîc opus est, qvo terreas
alios, alios verò soleris ac erigas, & meliore spe im-
pleas. Posthæc qvam curam acerimam noster ad
negotia? Qvem invictum vigorem ad tolerandos
afferebat labores, qvos ei officiorum objiciebat ne-
cessitas? Primus in Cancellis aderat, postremus in-
de discedebat. Ut cæteros exemplo potius, qvid fa-
ciendum, qvam dicto moneret, pudorem incutiens,
odium vitans. *Exasperat enim homines imperata cor-
rectio, blandissimè jubetur exemplo.* Qvæ moles, qvæ tur-
ba caussarum unqvam ipsum terruit? Qvæ Controver-
siarum fregit obscuritas? Incitavit industriam ejus &
studium potius: & usqve adeò suam defatigari constan-
tiam passus haud est; ut illa etiam rerum actibus tempo-
radaret, qvæ refectioni corporis jure optimo debe-
ban.

bantur. Non hæc in luteas plebejasq;e animas ca-
dunt: divinioris cujusdam naturæ est, amare curam: so-
mnum atq;e segnitiem fugere: & cœli nunquam qvie-
scentis instar gaudere pariter motu ac vegetari. Ni-
mirum Herculem esse magnum Senatorem & Cancel-
larium oportet: qvi superato uno labore alacrior su-
beat alterum: nullum gravetur, nullum fugiat: novus-
q;e semper ac recens qværat subinde ac circumspiciat,
qvod bono publico, cujus curandi perpetuo ipſi in-
cumbit cura, proſliget ac vincat. Tertium Senatoris
& Cancellarii magni titulum PERITIAM feci. De
eo Itaq;e exponendum nunc est, & qvanta in FRISIO
fuerit exempli gratiâ declarandum. Neqvè enim de-
fecit hâc laudis parte, qvi tam excelluit in reliqvis: aut
qvi nobilitate atq;e virtute æqvabat mensaram splen-
didissimi munieris, hic impar fuit. Falsus de cœtero,
opinor, haud erit, si qvis PERITIAM, à libris partim,
partim à rerum usu ac consuetudine, certissimâ ac fi-
delissimâ magistrâ agendi ac duce, petendam existimet.
Ac libros cùm nomino, doctrinam seu eruditionem in-
telligo, qvæ inde paratur. Latissimè Patet hujus ditio,
nec arctioribus terminis includitur, qvam ipsa sciendi
discendiq;e cupiditas. Ut eruditionem, omnium arti-
um ac scientiarum, qvibus absolvitur Sapientia, cinnum
pulcherrimum atq;e complexum vocare possis. Mul-
tae ac infinitæ res in deliberationes atq;e Consilia Prin-
cipum incident: nec pauciores in tribunalium indu-
cuntur cancellos. Hic cùm Senatorem mutum sede-
re, & statuendi anxium, & se neqvicq;am versantem
in partes omnes; aut Cancellarium pronunciare absur-
dè, turpe admodum sit, & noxiū s̄p̄ius; qvo in-
strumento doctrinarum paratum esse, qvo comi-
tatu

tatu clarissimarum artium stipatum oportet fungentem
istis amplissimis partibus, ut impleat locum, & togæ
summæ splendorem ne quâ oblitteret? Sed neque no-
biscum nascuntur hæc tanta bona, neque contingunt
nobis temere: multis vigiliis, infinitis laboribus, &
incredibili contentione opus est, ut ea in literariis lu-
dis tibi ac Academiis compares. Sed cum latissimè,
uti dicebam, eruditionis porrigitur fines, & nul-
lum non literarum genus Senatoria huic, ut ita di-
cam, purpuræ, ornamentum illustre polliceatur: tum
necessaria maximè ei Historiarum videtur cognitio,
doctrinaq; civilis, tum publici privatiq; juris scien-
tia, quam regiam artem vocabat Plato, qvod eâ nec
Reges ipsi ac Principes; & multo minus, qui circa eos,
& à Consiliis sunt, carere queant. Atque his rebus
qvid non licebit confiscere, si eloquens facundumque
os, & artificium dicendi accedit? Nihil in rebus hu-
manis contingit novi: orbis qvidam decurrit: qvæ
gesta prioribus seculis legimus, hodie rursus videmus
geri: ut, cum ludatur fabula eadem, aliæ saltē pro-
cedant personæ, & scena non nihil commutetur. Hæc
nosse igitur, & pertractata habere, quam acre & efficax
ad prudentiam telum? qvod ad consiliorum rationes
omnes ac vias adjumentum suppeditabit? Magnam
facilitatem non modò, sed certitudinem etiam habet,
ex aliorum lœtis aut tristibus discere, qvæ seqvi & qvæ
vitare oporteat. Sine periculo nostro ac damno, &
aliena stultitia instruit, & sapientia moderatur ac re-
git: nec ullus alias titulus Historiæ magis convenit,
quam cum *Magistræ vitae* appellatur. Non aliunde
ipsa Civilis doctrina habet origines suas ac incunabu-
la. Hæc illa verissima genitrix est, qvæ hanc præcla-
ram

ram Sobolem edidit: qvæ suis uberibus illam educavit & aluit & incrementa ei ac robur & bonam quasi valetudinem dedit. Unde enim præcepta, nisi ex actionibus sunt? Et hæc suppeditant normam deinceps, ad quæ exempla actionum exigantur. Utique igitur necessaria illi, qui tractat Rempubl. versaturque in actu, & pacis belliisque negotia temperat, & in utrumque tempus consulere debet. Jam si interpretari ac reddere vicem Principis jus, si incidentes controversias decidere atque dirimere munus proprium Cancellarii est: ac si eidem cum Senatore, & os & lingvam Principi, cum quid loquendum in publico, commodare incumbit; quanta ipsum & juris omnis prudentiæ, & eloquentiæ vi præstare oportet, ut muneri suo, & majestati ejus respondeat, cuius gerit personam? Nihil istorum unquam defuit FRISIO, & eò paratior digniorque ad summum togæ decus ascendit. Rara habebat naturæ bona, non corporis tantum, sed animi etiam, cuius hic principes sunt & summæ partes. In puerो statim, cum teneretur domi adhuc, ingens ardor discendi, cum docilitate ingenii semper certavit: sed Academiæ spatha cum esset ingressus, quam capacissimam indolem, quam vim ingenii abundè probavit omnibus? Quam læto ac libero impetu gratus in studia est, immissisque habenis veluti procurrit alacriter, quod tot majorum decora, quod Patris & sua ipsius vota ardentem animum ejus rapiebat? Quid egregium in literis, in disciplinis præclarum notabat, & emolumentum insigne aliquod ad facultatem orandi & sapientiam, duas maximas artes, & conjungendas illis perpetuò; qui Reipublicæ se parant, collaturum, id invadebat cupide, arripiebatque & cu-

stodi-

studiendum animo sedulò commendabat. Cæterum in nobilissimo Juris studio eò processerat, ut ne peritissimis quidem videretur concedere, cum quæ didicerat, expromere cepisset. Atque audire memini ex ipsis artis principibus, sic disciplinam omnem fori ac legem calluisse FRISIUM, sic pernovisse caussæ cùjusque indolem, & ut sic dicam, meritum; ut nullus forensium varum temerè, docere de iis melius, aut definire certius posset. Hinc nemo mirabitur, qui præsidentem in tribunalibus pari celeritate & recensere illatas cauñas, & de iisdem pronunciare audierit, nihil morante expeditissimum ejus judicium, aut mole illarum, aut varietate. Jam Eloquentia ei quam prompta ac profluens virilisque ac gravis? non fracta & pectoris sententiolis vibrans: qualis aliquem Rhetora quidem, non ejus personam deceat, cui aut apud Principes, aut in Prudentum Concilio, de publicâ re, & ordinatione optimi status, loquendum assidue ac differendum? Ubi sensus & rationes, non venustates ac elegantiæ spectantur: & eloquentissimus habetur, qui optima quæque verissimâque disertè persuadeat. Possunt nonnulli desiderare in eo peregrinandi studium, & arbitrari, sic defuisse, quod grande momentum prudentiæ addere videretur. Neque diffiteor, magno usui esse proficiendi hoc genus, si quis in eo versetur ut decet. Ac FRISIO quidem nec votum eundi peregrinè, nec copia deerat: ni properus Patris obitus, & solitudo viduæ matris manendi necessitatem imposuerint. Quanquam quid detrimendi in eo passus magnopere sit, haud possum diligere. Utile sit externa nosse, ut ad domestica plenius sapias: & didicisse alibi, quæ aut emendent res nostras, aut amplius instruant: at quanta

quanta audiendi legendique talia copia est? Namque
& auscultare peritos, & prodita literis evolvere licet.
Est enim haec Seculi nostri felicitas, ut nulla propemo-
dum reperiatur uspiam gens, qua patet orbis, cuius
mores atque ingenia, & disciplinae ac rationes, admini-
strandæ tuendaque privatæ simul & publicæ rei, tradi-
ta commentariis, & luculenter non existent exposita?
Quorum ex lectione tutius multò atque securius pro-
ficere, quam ex inspectione ipsa quandoque liceat.
Nihil in rebus humanis sincerum ac purum: & sapè
virtutibus maximis connexa non minora vitia sunt.
Datura & ipsa cum honestis exemplum, quibuscum
copulata fuerint. Ita enim est: majores ad corrum-
pendum illecebras, peregrinæ labes semper, quam do-
mesticæ habent. Has, quia consuetæ, ferimus tran-
simusque; illæ advertunt novitate suâ, & trahunt blan-
dè: & quod subierint dulcissimæ, hoc pestilentius postea
nocent. Sic dum salubre aliquod nobis creditus
præberi, plus multò una lethalis veneni propinatur,
Adeoque sapientius fit, ut dum externæ induuntur macu-
læ, domestica decora exuantur. Cum pro candore &
ingenuitate, pro gravitate atque constantia gentili,
peregrina simulatio, & ficti vultus, & insidiosæ blandi-
tiæ, & temporarium versatileque ingenium, ut novæ,
sed saluberrimæ, quod putant nonnulli, artes, recipiun-
tur: Cum subtilioris prudentiæ titulo, machinamenta
callida astutiæque, & quicquid fallendi disciplinas pro-
mittit, ex alieno immigrat: aut fastiditatem frugilitate ac
continentiâ domesticâ, voluptates externæ, & danoſiſſi-
mi luxus genus omne, amœnitatis & elegatiæ, & cultio-
ris virtæ nomine, pestilentissime obrepunt. Haec evitasse
videtur HENRICUS, & incorrupta magisque sincera

M

servaſ-

servasse bona Patriæ, quia insidiosa exterorum malæ ne viderat quidem. Sed rerum peritiam ut inchoarant in FRISIO studia, & quasi fundamenta adstruxerant; sic usus rerum atque exercitatio perfecere, ac eduxerunt tandem in summum illud, in quod suspicere reliquos oportuit. Reperiuntur non raro per impotentiam insiti ambitus, qui summa affectant, antequam capiunt: & modò occupent, tueri quam valeant, minimè omnium pensi habent. Sic & affligunt imperitiâ suâ publicum, & prostituentes se turpiter, contemnum pro gloriâ auferunt. Nam ut in anibus titulorum imponant simplicioribus; prudentes perinde decipere haud possunt. Et licet ignoti fallant ac lateant paullulum; reiecti mox tamen, & cum patere ceperint, derisi sunt. Non laboravit hōc intemperariarum genere FRISIUS: non cursu aut saltu; per gradus ascendit: voluit sui periculum facere ante, humerosque tentare quid valeant, & ad ferenda graviora onera in levioribus experiri vires. Nam neque mare irrumpt nautæ, ac tempestatum statim lacescant hiemes, sed in tranquillis lacubus prius atque litoribus, & remos explorant, & clavi regimen periclitantur. Miles etiam tum demum animi atque fiduciæ plenus procedit in aciem, & auguratur victoriam, cùm in campo antè ad palum diu exercuit robur, & levioribus præliis se induravit. Ac primum quidem annos non paucos FRISIUS in Electorali Curiâ Lipsiæ, deinde & Dresdæ in appellationum assedit judicio, reddiditque jus: dein Coldiciei & Rochlicensi & Leusnicensi præfecturis, moderando illarum statui, adfuit. Hic cùm industriam, integritatem, prudentiamque suam, ac fidem multis uberrimisque documentis approbasset.

basset præclare, tum sustinuit demum, hæsitans tamen ac multum luctatus secum, adscisci à Principe in summum illud sanctiusque Consilium, & Tribunali utriusque, hic Cancellarium, quem vocant, hic Præsidem dari. Neque profecto has partes aut dignè suscipiat, aut eas ex usu atque egregio publico administret ac gerat, nisi operibus plurimis cognitus antè negotiisque expertus fuerit. Imitamini, imitamini generosiores animæ: nec præcipitate vota vestra ac spes: ne lapsus ruinaque properantem castiget audaciam, & sui erroris tandem, sed serò tamen, admoneat. Perdit fiducia sui nimia; tutius atque constantius vadit, qui pedentim incedit ac caute. Inter specimina magnæ indolis, modestiæ etiam cura est: quæ, ut Clarissimus auctor ait, nec summis mortalium spernenda, & à Diis estimatur. In minoribus, experimentum majorum est. Restat præscripti curriculi ultima pars, quam in AUCTORITATE constituimus, tam necessaria Senatori magno & Cancellario, ut totum illius officium velut destitutum nervis jaceat, ac parum efficax videatur, ni erigat ista atque constringat, constantemque ei vigorem & robur inducat. Tolle Majestatem, quid Regem tuebitur? Tolle auctoritatem, quid magnum ministrum Principis vindicabit? Solebant priisci artifices, Deorum, quos effingebant in simulacris ac statuis, capitibus radiatum circumfundere lumen, quod loqueretur numen ipsorum, mortaliumque vulgaritati eximeret. Ut magni ministri apparent, qui sint, & agnoscantur præ cæteris, & efficaciter munera sui exserant vim, augustum istud opinionis, sive auctoritas, quæ instar nimbi divini undiquaque eos ambit, imprimis facit. Multum quippe in animis homi-

num respectus & veneratio cujusque potest. Ut instructissimam orationem afferas, vix penetrat tamen ac movet satis, ni reverentia maiestasque dicentis sanctam eam atque invictam quasi reddiderit. Tam necessaria itaque magno Senatori & Cancellario auctoritas est, quam necessarium, eum cum pondere ac efficaciam censere atque statuere. Ac multum quidem huc confert, & titulus muneris, & Principis, unde fluit, judicium: sed ni utrumque impleas, & propriis firmes atque stabilias opibus, non deerit quidem lumen ac splendor aliquis, sed similis fulguri, quod nullum tonitru comittatur. Quod major autem illarum rerum, quae & auctoritatem faciunt, & eam adjuvant, FRISIO aderat copia; eò & amplior eum comitabatur auctoritas. Sed nihil magis venerationem homini, quam virtus conciliat, & quiddam augustius illi opinione circumdat communi. Hæc cum Solaris astri instar emersit se, dum circum latè spargit radios, advertit quosque facile, & quantum pulchritudine luminis sui trahit ac allicit, tantum & vi ejusdem ac incredibili efficaciam in admirationem sui concitat animos, & quadam religione formidineque augusta implet. Sed de virtute FRI-SII cum supra dictum sit, nihil de ea nunc reddam amplius. Id potius referam, maximi eam à Patriæ Patribus æstimatam perpetuò, in quo quantum momenti ad comparandam auctoritatem positum est? Multa hinc recensendi in istam rem se offerebat occasio: sed in compendium mittenda oratio est. Aque de Divo Patre quidem quid dicam? qui quanti æstimarit FRI-SIUM, post documenta alia, vel inde constiterit, quod cum ipsius auspiciis ab incomparabili Conjugé, cum eminentissimo Fratrum pari deducenda esset

MAG-

MAGDALENA SIBYLLA MINOR, ut Regio
Daniarum Norvagiaramque Principi jugalibus sacris
conne~~c~~teretur solenniter, delectus missusque HEN-
RICUS maximè, qui comitatui universo præcesset, pro-
ximusque Principibus moderaretur rerum arbitria.
Non minoris ducendum, quod idem dignissimus om-
nium visus mox est, qui vitæ thalamiique consorti, pro
Principe filio impetrantæ, allegaretur in Variscos, pari
amplitudine muneric, & felicitate successus. Hæc
enim est, quæ fœderata in præsens Patriæ Patri sanctissi-
mis vinculis, gemellum edidit sidus: quorum alte-
rum in vota tutelamque Patriæ majus quotidiè clarius-
que induit jubar: alterum ingentes alienis populis
spes candidioris astri felicibus radiis ominatur ac alit.
Sed hæc à Divo Patre data sunt: quid nunc de Filio
maximo memorem? Qui, in quo fastigio ipsi primus
nascentis imperii FRISIUM obtulit dies, in eo & con-
firmavit, tanta ejus dignatione, ut non tam retinuisse
pro copia, quam ipsa ex copia videretur optasse. In-
jurius propè in optimum Principem videbor, nisi red-
didero testimonium, quod ipse defuncto FRISIO ul-
trò reddidit. Non ita diu est, cum celebraretur so-
lenne convivium, admotis principali mensæ amicis
plerisque, & qui illustria aulæ decora darent. Hic in-
ter alios sermones de ministeriis summis eum mentio-
nem ipse movisset Princeps, memorabili elogio, deco-
rum obsequium FRISII, singularem industriam, &
sapientiam cum fide pari conjunctam commendavit;
non infelicem se fore dictitans, si talibus amicis &
adjutoribus deinceps semper inniteretur. Felicem
FRISIUM cui hic tantus contigit præco! Et
pium ac liberalem Principis animum, qui tam

plenum ministro egregio testimonium atque tam can-didè impertitus est! Sæpè enim altissimas mentes qui-dam obsidet livor, ut, si non obtrectent, suorum virtu-tes, dissimulent tamen, atque transmittant silentio, ne satis præsidij habere videantur in suis, dum alienas at-tollunt. Propria atque perpetua maneat hæc nostro Principi laus, ut de amicis suis verè atque simpliciter judicet; nec eligat alios, quām quos possit laudare. Sed apud ipsos Principes cum tantum existimationis sibi comparaverit FRISIUS, quid apud cæteros con-secutum putabimus? Sequimur enim libenter reg-nantium judicia, quod aliquid sancti atque divini cre-duntur habere, & quicquid Principibus placuit, decre-tum cæteri atque præceptum interpretamur. Quis ergò non ultrò colat ac veneretur, quem admirari Principem ac observare intelligat? Reperiuntur haud raro, qui quantum tribuunt aliis, tantum existimationi suæ decedere putent: & dum auctorati propriæ ni-mis advigilant, insidentur alterius. Neque enim in-genium iis machinæque deesse solent, quas aut adver-sus eos instruant clanculum, quos intuentur obliquè; aut iisdem palam admoveant, si possint dejicere, & per illorum contumelias, cultum ac reverentiam sūi auge-re. Non hoc integritati suæ pudoriique existimabat convenire HENRICUS; nihil eximium circa se ac amplum statuens, quod non virtuti & honestissimis artibus deberet. Quam itaque sua ipsi auctoritas cha-ra erat ac curæ, tam aliorum quoque tueri studebat: & major cæteris cum esset, nullius deminutione tamen esse optabat. Quin comiter singulos prosequi, ad in-crementum reverentia interpretabatur. Quis enim non magnificere vellet ac colere, à quo non negligi se

ac

ac vilem haberisentiat? Illos etiam invenias , q̄ti ab Servorum nitentium turbâ, à pædagogiis decentissimè cultis , à rerum omnium apparatu lautissimo auct oritatem exspectent. Hi illi fermè sunt, qui aliarum rerum vacui, aut málè ab iis parati, ad hæc externa configiunt, & vana quædam magnitudinis simulacra imperito vulgo obtrudunt. Non ignorabat FRISIUS, viros ingentes inanum etiam specie validos esse debere: & alienum excellenti virtute, amare sordes, nullaque munditiâ ac elegantiâ capi ; sed inter utrumque servans modi, quantum ab luxu inutilique instrumento pomparum aberat, tantum ab vilitate etiam humili, & indecorâ parsimoniâ divertebat. Hoc iplo venerabilior, quod tueretur dignitatem, non ostentaret: & amplissimarum curarum splendorem in sui jactantiam non pateretur corrumpi. Sed hactenus virtutis & benè compositæ mentis opera laudata sint; commemoranda deinceps felicitatis munera sunt , ex quâ nonnulli nasci cum primis auctoritatem, neque vanissimè, existimarent. Illam enim quid aliud , quam singulare quoddam Summi Numinis datum appellabimus, quod iis impertire maximè solet, quos familiarius amat? At verò quis dubitet, tantò quemque coli ac suspici magis, quo charior ipse amicio que Deo æstimetur? Tanta autem perpetuo FRISIUM comitata felicitas est , ut inter rarissima ejus exempla mercatur referri. Non dicam de amplitudine generis : quam sibi cum pluribus habuit communem: neque de opibus, quæ sæpè ad pravos perveniunt: at illud haud parvum est, quod ex Equestriloco ad Baronatus apicē, & ex paternis prædiis per varia decora in suum togæ ascédit culmen. Non id solius industriae virtutisque fuit: egit fortuna partes

unà, non temeraria illa ac cæca; sed quæ Græcorum
sapientissimo Vati, *Providentia filia* appellatur: hoc est,
fatum, seu dispensatio DEI benignior, unde terrarum
orbis conservatio pendet. Quid nunc de matrimo-
nio referam, in quo, incertum habeo, quid mirer pri-
mum, aut quid postremo prædicem? Contigit ei CA-
THARINA EINSIDELIA uxor: quæ lux & glo-
ria fœminarum? In qua hinc splendor natalium, hinc
maximarum virtutum èmulum lumen radiabat. Hinc
estimabatur decora modulatissimi corporis facies;
hinc forma animi excellere pulchritudines omnes vi-
debatur. Convixerunt pene octo & quinquaginta
annis (quam novum hoc proorsus, & inauditum hacte-
nus?) nec tanto spatio invenit alter in altero, quod
quereretur. Ita quippe amarunt & venerati invicem
semper sunt, ut, qui non esset conjuges; sanctissimum
fratris sororisque contubernium putaret. Auxit felici-
tatem istam fœcunditatis ubertas, & nati liberi, & ex
his rursus nepotum turba. Sed in hac parte adverterit
me maximè, geminum filiorum sidus, HENRICI, in-
quam, & CAROLI; ad quorum nudam commemo-
rationem si mihi oratio vix suppetit; deficere penitus
atque succumbere eam statim necesse erit tentanti in-
credibiles illorum ac varias laudes? Et patri ipsi, quid
amplioribus votis hic reliquum videbatur loci, cum in
eodem ipsos virtutum meritis sedere se juxta fastigio
januæridem videret? L. Metellum literarum memoriarum,
præter magistratus summos, quos gesserat, & magni-
ficentissimos ex victis hostibus triumphos, bellato-
rem primarium, Oratorem optimum, fortissimum
Imperatorem fuisse, prædicant. Quintum etiam,
filium ejus, inter rara felicitatis humanæ exem-
pla

pla numeratum, qvod & consecutus honores amplissimos, & ex devictâ Macedoniâ novum in posteros transmisisset nomen; à qvatuor filiis deniqve, uno Prætore, tribus consularibus, duobus triumphalibus, & uno censorio, rogo esset illatus. Magna utriusqve felicitas, sed non perpetua ac constans fuis. Nam ille orbatus oculorum luminibus, sene&tam miseram exegit in tenebris; & hic in medio dignationis flore de rupe Tarpeja pene actus præceps, reliquum vitæ obnoxius alieno beneficio, & bonis suis multatus, ita duxit, ut neqve infelicissimus dici posset, & felix tamen non haberetur. Adeo semper fortuna haud paucos frustratur malignè, & qvos fovere diutius visa, defatigata velat, aut quasi tæderet, tandem relinquit. Non hunc crudelem ludum illa in nostro lusit: favit constanter, & ut qvandoqve se videretur subducere, non recessit tamen: paullulum saltem abdidit se, & mox emicuit rursus, ac pristini oris ostendit lætitiam, solatura veluti qvos ipsa mœrores fecerat. Jam si arboribus ac ædificiis religionem qvandam & sanctitatem sene&tus quasi scenerat; qui in hominibus illa non faciet; cuius cultus ac reverentia omnium prope gentium dedicata contensu? Multi morantur in vita, & ad longinqvos annos perveniunt, ut fracti defectiqvè ætate inutiles jaceant, atqve cum mori non possint, non ullum tamen vitæ fructum aut carpanç sibi, aut aliis præbeant. Cum, tanqam improbus scenerator, natura supra caput astat, creditiqve usuram acerbè exigens, nunc visum, nunc sensum aurium, nunc alia deniqve effæcis extorqvet. Et ut non admittat semper hæc, parcendo tamen nonnunquam gravius lævit: dum ita non paucos affigit lecto, ac

M §

deti-

detinet, ut non nisi post multa tormenta & acutissimas
cruces vitâ absolvat. Nihil hujusmodi FRISIO accidit: & grandis quantumlibet senex, nihil senile tam
en est passus, ad valetudinem novissimam viridis:
qvæ neqve ipsa eum exercuit diu, & mora afflixit, ut
feliciorem efficeret. Tentabatur laboribus calculi:
sed brevi convaluit levatus. In sequenti die adiit tem-
plum, ut Christiano ritu quotidianorum errorum cul-
pis exsolveretur. Reversus domum dum vacat DEO,
gravari destillationibus subitis cepit: unde tussis &
calor aliquis, sed qvi post paullò intenderetur. Cum
neqve medentium opibus, neqve nocturna quiete mi-
tigaretur malum; qvin ingravesceret potius, accersen-
dus summo mane sacerdos fuit, qvi gratiam Sacramen-
ti impertiretur. Recreatus salutiferâ dape meliorem
præbere visus est spem: eaqve se dabant signa, qvæ non
pessima sane ominarentur. Sed altera luce, cum in-
clinaret in meridiem mane, conversa adeò rerum est
facies ut mox sub vesperam lucis, inter sermones sacros,
qvos cum religiosissimis sacerdotum, qvi aderant, præ-
sidibus habebat, & bene precantum vota, acquie-
sceret. Octavius Cæsar, qvem ob collata in Remp.
maxima merita AUGUSTUM Populi principis ap-
pellavit Senatus, ut jamdum, cum adhuc coleret ter-
ras, nomine ipso tituloqve consecraretur, quoties
aliqvm cito & sine cruciatu defunctum audiret, simi-
lem sibi precabatur exitum, & impetravit id fato suo;
ne, si istius voti non potiretur, non felicissimus prin-
cipum audiret apud posteros, qvi consecutus summa
omnia alijs esset. Ut magnitudine atque fortunâ ma-
jor Augustus fuerit; hac parte tamen felicitatis FRI-
SIUS ei nihil concedit, qvi æqvè levi ac facili, mo-
lestia-

lestiaque vacuo obitu finitus est. Quid accuratius
subducta summa vincet terrarum orbis Principem
FRISIUS, & major ætate, & ipsa felicitate superior.
Omnis cum vita Augusti exspiravit ac desit felicitas:
FRISII transiit, non finienda, sed immutanda, at-
que ex imbecilli & frangili, obnoxiaque casibus for-
te, in perfectissimum statum atque æternam stabilita-
tem ordinanda. Defecit Augustus sexto & septuage-
simo ætatis anno; Heros noster, cum unum & octage-
simum jam excessisset. Testatum auctoritatibus lu-
culentissimis est, hunc modum vitæ cum Philosopho-
rum apex Plato implevisset moriens, Chaldaeorum ma-
gos, qui tum Athenis forte aderant, id demiratos a-
adè fuisse, ut immolarint defuncto, tanquam egresso
humanæ fortis conditionem, quod perfectissimum nu-
merum absolvisset vivendo. Ego vero, ut in HEN-
RICO divinitatem agnoscam libens, quam, cum hu-
manitatem exueret, indeptus est; ut ad annorum ta-
men ratiocinium, & novenarios illos completos no-
vem, Chaldaicæ vanitatis applausor, descendam;
sed omne illud pietati ejus annumerabo. Hæc est,
quæ sola vitam perficit, & complementum addit ul-
timum, quod felicitatem nostram absolvat. Quæ
suo sibi sublatum remigio eò periret FRISIUM, ubi
nec spes nec metus, qui duo professi quieti animi ho-
stes, acerrimè omnium, mortalium vitam infestant
assidue, exercent amplius fatigantque: non casus ullus
atque calamitas ingruit, sed secura, quieta, tranquilla-
que omnia, & talis omnino status est, qui summi Numi-
nis, eorumque proprius est, quos illa suprema ac perfe-
ctissima mens divinitatis ac beatitudinis suæ, gratu se-
cundo tamen, fecit participes. Quorum triumphantib⁹
cho-

choris permistus HENRICUS humanâ forma nunc major incedit, & latus lætitiis, qvas nulla capit mortalitas, ævum sempiternum agitat & nullo fine terminandum. Dicat alius; qvid hoc ad Cancellarii aut Senatoris adeò munus? Ut bene & cum spe optimâ moriamur, cuiusq; fidelium studiumque ac votum. Atque id consequevi, felicitatis qvidem est; sed sibi quam nemo confidere ipsem potest; divinæ gratiæ munus est. Jam in commune felicitatem quid hîc commoras? Omne præsidium honoris munerisq; tueri intra nos ipsos querendum est: cum præstas tantum, quantum contendere tuis opibus possis, jam absolvisti partes impositas, & implevisti officii titulum. Qvod reliquum est, id tuum non est, & aliunde exspectandum. Ego verò respondeo, dicendum mihi de auctoritate fuisse, necessario instrumento magni ministri Principis; & quid ni de felicitate igitur, quæ ingens momentum ad eam confert? Jam, cum Solonem si audiemus, neminem ante obitum fataque supremâ deprædicare felicem oporteat, non dissimulandum in felicitate FRISIANA tempus illud fuit, qvod suum felicitati nomen verè plenissimeque vindicat; ac nihil amplius relinquit boni, qvod capere possit jam consummata felicitas. Qvòd si principem Oratorem nemo arguit hactenus, qvod summum belli Ducem cum vellet formare, post militarem scientiam, post fortitudinem atque auctoritatem, felicitatem in eo etiam inesse voluit; ergone dignus reprehensione videbor, qvi eam in Senatore ac Cancellario non prætermiserim tacitam? Non virtus armorum tantum, sed consiliorum sapientia quoque suâ fortuna indiget. Et reperire inter deliberationum ardua, qvod & conducatur

ducat in præsens maximè, & prosperè expetat, non sapientum tantum, sed & felicium, hoc est, illorum opus est, quos favor Numinis benignius afflat. Assolent fermè peroraturi hujusmodi caussas movere, partim sedare: elicere juxta, ac detergere lacrimas: cumqve lugendi pio defuncti munere sunt, amica afferre solatia. Seqvar & ego hanc disciplinam, emen-sisqve jam spatiis, quæ mihi met ipsi signavi, sufflami-nabo ad metam, & in iisdem partibus orationem me-am consistam. Ac in HERO A qvidem nostrum, qvando intueor, & qvicqvid aut vixit in terris ante, aut aut nunc receptus cœlo vivit, reputo mecum, ac pensi-tatione tacitâ æstimo, non ille lamentis ac planctibus; veneratione & cultu, & gratulationum faustis est pro-seqvendus. Nam qvid in illo lugeri conveniet, qui & implevit vera bona, quæ in virtutibus sita sunt; & abundavit cæteris, quæ magnitudinem adjuvant, felicitatem perficiunt? Qui ævi maturus, & grandi natu; qui integrâ gloriâ, florente famâ, dignitatibus sal-vis, qvibus vix amplius aliqvid aut majus fortunâ potuisset astruere, obiit diem, & ita obiit, ut hanc mortalem stationem, cum immortali ac planè divinâ commutaret? Sed cùm in Principem reflecto oculos, quem ille ministrum desiderat; Si patriam cogito, quo illa præsidio & falcro, & ornamento ac decore, orbata est? Cum studia nostra respicio ac Musas, heu, qvando fautorem patronumqve & tutelarem quasi talem, rursus invenient? Incerta admodum fu-turorum spes est: & angit semper, qvod exspectatur. Quæ prendimus tenemusq; manu, solantur ac erigunt: quam vacuum spatum fiduciam præbet? Hæc tanta i-gitur clades, quas non excutiet lacrimas? Hæc tanta ja-ctura,

ctora, qvibus non qvæstibus ac desideriis sufficiet causam? Sed bene habet: non raro fallitur dolor, sibi uni attendens: & dum in vulnere suo tantum oculos tenet, qvæ in propinqvo solatia assunt, haud respicit. Non omnis extinctus FRISIUS est: multa pars ejus superat, seqve eripuit funeri: & quantum auxilii ac levamenti in Natis Illustribus reliquum mansit? Hoc illud geminum sidus est, qvod æqvè salutare ac prosperum nobis in æstu hoc laborantibus, allucet omen; ac deprehensis in mari magno jactatisqve navibus stellæ Castorum solent. Qui cum heredes, ut cæterorum bonorum, ita in primis animi virtutisqve paternæ sint, et multiqve felices, non volent non adesse necessitatibus publicisqve ac nostris: & in eodem fastigio positi, quo Pater eminuit, non efficere etiam, si qvæ benignè voluerint. Sic, si non ponamus rectè calculum, nihil in Patre præter umbram ac superficiem nobis ademtum videbitur.

D I X I.

•6(0)•
—

ORA-